



Broj: JN06-16-4-35-8/22

Istočno Sarajevo, 11.05.2022. godine

Na osnovu člana 69. stav 2. točka e) i člana 70. stav (1) i (4) Zakona o javnim nabavama („Službeni glasnik BiH“, br. 39/14), na Preporuku Komisije za javne nabave br. JN06-16-4-35-7/22 od 06.05.2022. godine, u otvorenom postupku javne nabave roba – Svježa i zamrznuta riba, Upravitelj Zavoda za izvršenje kaznenih sankcija, pritvora i drugih mjera BiH, **d o n o s i**:

## **O D L U K U**

**o poništenju postupka javne nabave putem otvorenog postupka za nabavu svježe i zamrznute ribe za potrebe Zavoda za izvršenje kaznenih sankcija, pritvora i drugih mjera BiH**

### **Član 1.**

Poništava se postupak javne nabave putem otvorenog postupka za nabavu roba – Svježa i zamrznuta riba, Zavoda za izvršenje kaznenih sankcija, pritvora i drugih mjera BiH, iz razloga propisanih članom 69. stav (2) točka e) Zakona o javnim nabavama Bosne i Hercegovine („Službeni glasnik BiH“, broj 39/14), odnosno iz razloga što je cijena prihvatljive ponuda znatno veća od osiguranih sredstava za predmetnu nabavu.

### **Član 2.**

Za izvršenje ove Odluke zadužuje se i ovlašćuje Služba za opće, pravne i finansijsko-materijalne poslove u Zavodu.

### **Član 3.**

Odluka stupa na snagu danom donošenja.

## **O B R A Z L O Ž E N J E**

Postupak javne nabave pokrenut je Odlukom o pokretanju postupka javne nabavke br. JN06-16-4-35/22 od 01.04.2022. godine.

Javna nabava je provedena putem Otvorenog postupka.  
Procijenjena vrijednost javne nabave iznosi 57.000,00 KM bez PDV-a.

Tenderska dokumentacija br. JN06-16-4-35-1/22 i Obavijest o nabavi br. 24650-1-1-77-3-36/22 od 01.04.2022. godine, su objavljeni na Portalu javnih nabava 01.04.2022. godine.

Komisija za javne nabave imenovana je Rješenjem o imenovanju Komisije za javne nabavke br. 01-16-4-83/22 od dana 12.01.2022. godine.

Komisija za javne nabave je dana 06.05.2022. godine, dostavila Zapisnik o pregledu i ocjeni ponuda br. JN06-16-4-35-6/22 i Preporuku o poništenju postupka br. JN06-16-4-35-7/22 u predmetu javne nabave roba – Svježa i zamrznuta riba u kojem se konstatira da je cijena prihvatljive ponude znatno veća od osiguranih sredstava za predmetnu nabavu.

U postupku po izvještaju o radu je utvrđeno, da je Komisija za javne nabave blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće Zapisnike, u kojima je utvrđeno sljedeće:

- da je ukupan broj pristiglih ponuda 2 (dvije),
- da je blagovremeno zaprimljeno 2 (dvije) ponude,
- da nije bilo neblagovremeno zaprimljenih ponuda,
- da ponude ponuđača : ONOGOŠT d.o.o. Sokolac i LALA I LAĆO d.o.o. Bijeljina nisu prihvatljive iz sljedećih razloga :

1) Ponuda ponuđača Onogošt d.o.o. Sokolac je odbijena iz razloga što ponuđač nije pravilno popunio Aneks 1 – Obrazac za cijenu ponude , stupac 3 , veličina pakiranja. Stupac 3 nije popunjen u skladu sa tenderskom dokumentacijom , gdje je jasno traženo da se definira ponuđena veličina pakiranja što ponuđač nije napisao. Iz navedenog razloga ponuda se odbija kao neprihvatljiva.

2) Ponuda ponuđača Lala i Laćo d.o.o. Bijeljina je ocijenjena kao neprihvatljiva za Ugovorni organ jer je dostavljena ponuda znatno veća od procijenjene vrijednosti navedene u tenderskoj dokumentaciji . Komisija je izvršila provjeru kvalifikacija ponuđača Lala i Laćo d.o.o. Bijeljina ,po kriteriju najniža cijena, prema minimalnim uvjetima za kvalifikaciju ponuđača i utvrdila , da je ponuda znatno veća od procijenjene vrijednosti navedene u tenderskoj dokumentaciji . Ponuda iznosi 68.430,00 KM bez PDV-a , a procijenjena vrijednost nabave iznosi 57.000,00 KM bez PDV-a.

U postupku donošenja ove Odluke, posebno su cijunjene činjenice da je Komisija, pravilno i potpuno, izvršila ocjenu kvalificiranosti ponuđača, shodno kriterijima iz Tenderske dokumentacije.

U postupku je utvrđeno da je Komisija u svemu pravilno postupila te da je Preporuka o poništenju postupka nabave data u skladu sa Zakonom, podzakonskim i internim aktima i tenderskom dokumentacijom iz razloga propisanih članom 69. stav (2) točka e) Zakona o javnim nabavama Bosne i Hercegovine („Službeni glasnik BiH“, broj 39/14), odnosno iz razloga što je „cijene prihvatljive ponuda znatno veće od osiguranih sredstava za predmetnu nabavu“.

U postupku ocjene provedenog postupka, Upravitelj Zavoda za izvršenje kaznenih sankcija, pritvora i drugih mjera BiH, nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavu.

Iz navedenih razloga, primjenom člana 69. stav (2) točka e) Zakona o javnim nabavama Bosne i Hercegovine („Službeni glasnik BiH“, br. 39/14), odlučeno je kao u članu 1. ove Odluke.

## POUKA O PRAVNOM LIJEKU

Na osnovu člana 101. stav (1) točka d) Zakona o javnim nabavama („Službeni glasnik BiH“, br. 39/14), protiv ove Odluke može se izjaviti žalba Ugovornom organu, najkasnije u roku od 10 (deset) dana.

Način izjavljivanja žalbe i sadržaj žalbe su definirani članovima 99. i 105. Zakona o javnim nabavama („Službeni glasnik BiH“, br. 39/14).



### Dostavljeno:

- Komisija za javne nabave;
- Onogošt d.o.o. Sokolac
- Lala i Lačo d.o.o. Bijeljina
- U spis.